

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

**Uunga siunnersuut: Ilageeqarneq pillugu Inatsisartut inatsisaannik allanngortitsineq
pillugu Inatsisartut inatsisaat nr. xx, xx. xxx 2018-imeersoq.**

*Ilinniartitaanermut, Kultureqarnermut, Ilageeqarnermut, Nunanut Allanullu
Naalakkersuisumit saqqummiunneqartoq*

pillugu

ISUMALIUTISSIISSUTAA

Siunnersuutip aappassanneerpeqarneranni saqqummiunneqartoq

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap suliaqarnermini ukuninnga inuttaqarpoq:

Inatsisartunut ilaasortaq Doris J. Jensen, Siumut, siulittaasoq
Inatsisartunut ilaasortaq Mimi Karlsen, Inuit Ataqtigiit, siulittaasup tullia
Inatsisartunut ilaasortaq Laura Táunâjik, Siumut
Inatsisartunut ilaasortaq Nivi Olsen, Demokraatit
Inatsisartunut ilaasortaq Sofia Geisler, Inuit Ataqtigiit

UKA2018-imi ulloq 9. oktober 2018 siunnersuutip siullermeerlugu oqallisigineqarnerata
kingorna siunnersuut ataatsimiititaliamit misissorneqarpoq.

1. Siunnersuutip imarisaa siunertaalu

Ilageeqarneq pillugu Inatsisartut inatsisaannik atuuttumik inatsisissatut siunnersuutikkut
nutarterinissaq siunnersuutigineqarpoq, taamaasillugu ilaatigut Naalakkersuisut palaseqarfanni
oqaluffiit illutaat aamma toqusut inaat pillugit nakkutilliinermut siunissami
malittarisassiorsinnaalissapput. Ajoqitut pattattutullu ilinniarnertit nutarterneqassasut aamma
siunnersuutigineqarpoq, nalunaarusiat atuuttut aqutigiunnaarlugit ilinniagaqarsimanermut
allagartat, piumasagaatit imarisaalu ilinniartitsinermi aaqqinneqartalissapput. Biskopip
toqqaannartumik akisussaaffigilissavai ilinniakkamik aaqqissuussinerit. Ilanngullugulu
erseqqissaatinik siunnersuuteqartoqarpoq qanoq pissusilersortoqassanersoq palasit
imaluunniit provstitut atorfirmut qinnuteqartup qinnuteqaatini utertissimappagu.
Kingullertut siunnersuutigineqarpoq ilisimatitseqatigiiffiusumik aamma

oqaaseqaateqarnissamut tunngatillugu ataatsimiittarnerit tamanut ammasuussanngitsut inuit ataasiakkaat pillugit oqaloqatigiinnernik imaqartarmata saniatigullu siunnersuutigineqarpoq imaqarniliaasinnaasut allattugaataasinnaasullu ataatsimiinnerniit isertuunneqartassasut. Inatsisissatut siunnersuut aalajangersakkamik imaqarpoq oqaluffimmut pulaarnernut naalagiarnert avataanniittunut akiliuteqartitsisarsinnaanermik. Ilagiit periarfississavai aalajangersakkakut akiliuteqartitsisinnaanermik tamanna kissaatigissagaluarpassuk.

2. Tusarniaanermi akissutit

Inatsisissatut siunnersuummut tusarniaanermi akissutit ilanngunneqarsimapput, inatsisartut siulittaasoqarfiata ilusiliinissamut piumasaqaatai malillugit. Piffissami 1. novembarimit 8. decembari 2017-imut siunnersuut tusarniutigineqarsimavoq, tamanna naleqquttumik sivisussuseqarsimasoq nalilerneqarsimavoq, tusarniaaneq sulinnigiffeqarnerit nalaani pisimangimmat.

Takornariaqarnermik sullissisut akornanni inatsisissatut siunnersuut tusarniutigineqarsimavoq Inatsisartut allattoqarfiani inatsisilerisut immikkoortuata inassuteqarneratigut.

3. Ilisimatitsilluni ataatsimiinneq apeqqutillu

Ulloq 16. oktober ataatsimiititaliamik suliarineqarneranut atatillugu Biskoppi ataatsimeeqatigineqarpoq. Naalagiartut avataatigut oqaluffimmut pulaarnernut akiliuteqartitsisarsinnaanermik periarfissaq oqaloqatigiissutigineqarpoq – aammalu palasinik, ajoqinik pattattunillu amigaateqarneq ilanngullugu oqaloqatigiissutigineqarluni. Isumaliutissiisummut ataatsimiinnissamut qaaqquisut takuneqarsinnaavoq **ilanngussaq 1**.

Ataatsimiititaliami suliarineqarneranut atatillugu Ilinniartitaanermut, Kultureqarnermut, Ilageeqarnermut Nunanullu allanut Naalakkersuisumut ataatsimiititaliaq apeqquteqarpoq. Apeqqutit akissutillu isumaliutissiisummut **ilanngussaq 2 aamma 3-tut** ilanngunneqarput.

4. Ataatsimiititaliap siunnersuummik suliarinninnera

4.1 Akiliuteqartitsisinnaanermik siunnersuut – aalajangiineq, atuutsitsineq kingunissaalu

Ataatsimiititaliap maluginiarpaa, siunnersuutip siullermeerneqarnerani oqallinnermi pingaartillugu qitiutinneqarsimasoq naalagiartut avataatigut oqaluffinnut pulaarnernut akiliuteqartitsisarsinnaanermik periarfissaq. Inatsisissatut siunnersuummi imm. 9-imi imatut allassimavoq:

*”§ 26 q. Ilagiit sinniisaat oqaluffimmut pulaarnernut naalagiat avataanniittunut **akiliuteqartitsisarsinnaapput**. Akiliutit sumiiffimmi tassani ilagiinnik sullissinermut atorneqartassapput.”*

(Ataatsimiititaliap erseqqissaanera)

Aalajangersakkap ilagiit peqqusiffiginngilai akiliuteqartitsissasut, kisianni aalajangersagaq periarfissiivoq tamanna kissaatigineqarpat. Aalajangersakkamut oqaaseqaammi erserpoq aalajangersagaq takornarissanut eqqarsaatigineqartoq atorneqarnissaa imaluunniit assersuutigalugu oqaluffimmi tusarnaartitsinerni atorneqarsinnaasoq. Ataatsimiititaliap apeqqutaanut Naalakkersuisut akissutaani ersippoq, aalajangersagaq illoqarfinni nunaqarfinnilu assersuutigalugu umiarsuarnit takornariutinit tikinneqartartunit atorneqarnissaa eqqarsaatigineqartoq.

Ataatsimiititaliap ilimagaa aalajangersagaq illoqarfinni nunaqarfinnilu takornarianik ikittuinnarnit tikinneqartartunut naleqqutinngitsoq – taamaattorli sumiiffinni taakkunani atorneqarsinnaanera mattunneqanngitsoq.

Ilagiit sinnersaannut akiliuteqartitsisinnaaneq qanoq allaffissornikkut kingunerisinnaanera inatsisissatut siunnersuummi imm. 6-imi ersinngilaq. Tamannali ataatsimiititaliap apeqqutaasa pingajuanni ersersinneqarpoq, Naalakkersuisoq imatut akissuteqarmat:

”Pisariaqassaaq pulaartarnernik pilersaarusiortarnissaa. Kiisalu aamma akitsuummik akiliisitsissutissamik akiligassiisoqartassaaq, ingerlatsinermullu naatsorsuusiortoqartarluni. Nalunaarsorneqartassapput pulaartut qassiusimanersut, ilagiit sinniisaasa qanoq isertitaqarsimanerat, qanoq sivilutigisumik ammatitsisimaneq, il.il.”

Ilimagineqartariaqarpoq, Naalakkersuisut naatsorsuutigigaat, ingerlatsinermi allaffissornermi suliasanut ilagiit sinnersai piumassutsimikkut sulisussanik peqartut, inatsisissatut siunnersuut taamatut iluseqarluni akuersissutigineqassappat.

Akiliuteqartsitsinerup annertussusaannut aamma aningaasat isertitat atortarnerinut makku atuupput:

- akiliuteqartitsinermut atatillugu akiliuteqartitsisarnerup annertussusaa aqqissuussinerit assigisaasalu aningaasartuutaanerisa naleqqatigissavaat.
- Inatsisip atuuttut tunngavigalugit piginnaatitsissut malillugu oqartussap atuutsitsisup aalajangerneragut toqqaannartumik imaluunniit inatsisikkut toqqaannartumik akiliuteqartitsineq annertussusilerneqartarpoq.
- Inatsisip atuuttut tunngavigalugit piginnaatitsissut malillugu oqartussap atuutsitsisup aalajangerneragut toqqaannartumik imaluunniit inatsisikkut toqqaannartumik akiliuteqartitsineq qanoq atorneqassanersoq aalajangerneqarpoq.

Inatsisissatut siunnersuummi tamatuma qulakkeerneqarsimanissaa nalilerneqarpoq. Biskopimik isumaqatiginninniarnep kingorna akiliuteqartitsinerup annertussusissaanik aalajangernissamut Naalakkersuisut pisinnaatitaassapput, tamatuma saniatigut

aalajangerneqarluni akiliuteqartitsineq ilagiinnik sullissinermut atorneqassasoq¹. Tamatumunngalu atatillugu ataatsimiititaliap Naalakkersuisut aperai:

”2. Suumukua § 26 q-mi aningaasartuutit aalajangersimalluinnartut akiliummi naatsorsorneqarnissaat Naalakkersuisut takorlooraat?”

Naalakkersuisut tassunga akivoq:

”Tamatumani pineqarsinnaapput, - soorlu siunnersuummut oqaaseqaatini nalunaarsorneqartutut ilaatigut imermut, kiassarnermut, innaallagissamut aamma akissarsianut aningaasartuutit. Akissarsianut aningaasartuutini pingaarnertut pineqarput eqqiaanermi aningaasarsianut aningaasartuutit.”

Siunnersuutip imm. 9-i malillugu aaqquissuussinernut aningaasartuutit qulaani issuaanermi taaneqartutut akiliuteqartitsinermik akiliisitsinikkut isertitanit **matussuserneqartassanngillat**. Ima paasillugu eqqiaasunut akissarsiat il.il. allatigut nassaarineqariaqarput. Apeqqutit nr. 4a, 4b, aamma 4c-mut Naalakkersuisut akissutaanni tamanna naqissuserneqarpoq. Tassungalu taarsiullugu siunnersuutigineqarpoq akiliuteqartitsineq ilagiinnik sullissinernut tutsinneqartassasoq, Naalakkersuisut akissummi nr. 1-imi ima oqaaseqarput:

”Ilagiinnik sullissineq paasineqassaaq siammassinnerpaamik taaguutit, sutigut tamatigut nammineq piumassutsimik oqaluffimmi suliatigut ilagiinnut sammititaasunik ingerlatsinerni.”

Ataatsimiititaliap maluginiarppaa, taaneqartumik akiliisitsisarnissamik atulersitsisinnaaneq tusarniaaffigineqartunit arlalinnit akuersarneqanngitsoq. Peqqutaasutut qitiutinneqartoq tassa oqaluffiup tamanut ammasuutinnissaa.

Peqatigisaanik Visit Greenlandip kissaatigisani tikkuarpaa akiliisitsisarnissaq takornarialerinermi akimmiffiussanngitsoq, oqaluffiit takornariaqarnermi annertuumik pingaaruteqarmata.

4.2 Akiliisitsisarnermut qinigassat allat

Ataatsimiititaliap sulinermini Naalakkersuisut qinnuigisimavai akiliisitsisarnermut taarsiullugit atorneqarsinnaasunik nassaarniaqqullugit, assersuutigalugu talittarfimmi talinnermi akileraarut aqqutigalugu akiliisitsineq imaluunniit oqaluffinni nakkaatitsiviit atornerisigut. Ataatsimiititaliap akissuteqaatit nr. 6, 8 aamma 9-imi innersuutigissavai ilanngussaq 3-imi. Ataatsimiititaliap apeqqutaanut Naalakkersuisut akissutaani ersippoq “ilagiinnik sullissineq” aamma “diakoni” amerlasuutigut ataasiusoq, taamaammallu diakonimut atugassat ilagiinnik sullissinernut atorneqarsinnaasut². Diakonimulli aningaasat atugassat pillugit atuuppoq,

¹ Tamatuma siunnersuutip imm.9 aamma imm.10 malippai.

² Ilanngussaq 3-imi akissut nr. 11 takuuk.

taamaasiornissamut qinnuteqaateqartarnissaq, qinnuteqarnermilu siunertamut taamaallaat atorpeqarsinnaallutik. Taamaasilluni ilagiit sinniisaat ataasiakkaat akiliisitsisalnissamik siunnersuummut taarsiullugu annertuumik diakonimut aningaasat immikkoortinneqarsimasut qinnuteqaatigisinnaagaat.

Ataatsimiititaliap tupigaa, ilagiit sinniisaannut atorpeqartarnissaa aaqqiinissatut atortinniarneqanngimmat, inatsisissatut siunnersuummi taamaasiorsinnaanermut tunngavissaqanngimmat. Eqqumiigineqarpoq, siunnersuummi allaffissornikut suliassat nutaat, ilagiit sinniisaannit namminneq piumassutsiminnik sularineqartartussat ilaatinneqarmata.

Tamanna tunngavigalugu ataatsimiititaliap Naalakkersuisut sakkortuumik inassavai, Biskopi suleqatigalugu, ilagiit sinniisaasa ilagiinnik sullissinerminni aningaasartuutunik matussusiinarnerminni tamatuminnga atuinnisaannut suut akornutaanersut paasiniaqqullugit. Naalakkersuisut paasiniaqquneqarput, qinnuteqarnermi piumasaqaatit aammalu pilersaarusanut allaaserisat piviusorsiornersut ilinniakkat atorpeqarsinnaasut ilagiit sinniisaanni nassaarineqarsinnaasut eqqarsaatigalugit. Tassunga atatillugu Naalakkersuisut eqqarsaatigissavaat, biskopeqarfik aningaasanik pisariaqartitaanik tunineqassannginnerseq, diakonimi atugassanik ilagiit sinniisaasa qinnuteqaasiornerminni siunnersorneqartarnissaannut. Siunnersuummi oqaatigineqartumi ilagiinnik sullissinermi aningaasaliissutit naammangitsutut nalilerneqarsimappata, isumaqarnarsinnaavoq aningaasanut inatsimmi diakonimut akuersissutunik aaqqiinissaq pisariaqarnerusoq – inatsisinik allannortitsisoqarnani.

4.3 *Ileqqusoq atuuttoq*

Ileqqusoq atuuttoq pillugu, ataatsimiititaliaq apeqquteqarpoq nr. 12:

”Oqaluffiit nalinginnaasumik ammasarfiisa avataatigut sumiiffinni aningaasanik akiliisitsisimanernik imaluunniit tiguisisimanernik assersuutaasinnaasunik peqarnerluni?”

Naalakkersuisut tassunga ima akipput:

”Assersuutissanik ataasiakkaannguanik peqarpoq, taamaattumillu taamatut siunnersuuteqarnermut taamaattut ilalersuutaapput. Suliassaqarfimmilu tassani malittarisassiornikkut qularnaarneqassaaq ersarissumik periarfissaqartitsisoqartoq akitsuummik akiliisitsisarnissamut aaqqissuussaasumik, aningaasallu isertut akiliuteqartitsisarnikkut ilagiinnik sumiiffinni pineqartuni sullissinermut taamaasilluni atorpeqarsinnaallutik.”

Ataatsimiititaliap ilimagilluinnarpaa, Naalakkersuisut paaseriaramikku tunngavissaqanngitsoq inatsisinullu tunngaviusunut akerliusoq taamaasillunilu akiliisitsisarneq inatsisinik unioqqutitsisoq, periuseq taanna pisariaqanngitsumik kinguarsarnagu unitsissimagaat. Ilanngullugulu ataatsimiititaliap isornartorsiorpaa Naalakkersuisut siunnersuummik saqqummiussinerminni siunnersuutip saqqummiunneqarnerata peqqutaa ataatsimiititaliap

apeqqutaanik akissuteqarnerminni aatsaat ilisimatitsissutigimmassuk.

4.3 Inatsisissatut siunnersuutip imarisaata sinneri

Ataatsimiititaliap maluginiarpaat inatsisissatut siunnersuutip imarisaata sinnerinut atatillugu, allannguutissatut siunnersuutip siunertaa suliasanut attuumassuteqartunut akisussaaffinnillu aaqqissuussinernik ersarissaanerusoq. Inatsisissatut siunnersuummi ersippoq, allannguutissatut siunnersuutit inatsimmik atuisut attuumassuteqartut pisariaqartitaat kissaataallu paasineqartut tunngavigigaat. Siunnersuutip taakkununga tunngasortaanut oqaaseqaateqassalluni ataatsimiititaliaq pissusissaqarsorinngilaq.

5. Siunnersuutip aningaasatigut kingunerisassai

Siunnersuummut nalinginnaasumik oqaaseqaatini allaaserineqarsimapput siunnersuutip piviusunngortinneqarnerani aningaasaqarnikkut allaffissornikkullu kingunerisassai. Innuttaasunut ataasiakkaanut oqartussanullu akiliisitsisarnissamat siunnersuutip aningaasaqarnikkut allaffissornikkullu kingunerisassai pillugit ataatsimiititaliap oqaaseqaataanut immikkoortumut siulianiittumut ataatsimiititaliaq innersuussissaaq.

Siunnersuut akuerineqassappat aningaasaqarnikkut allaffissornikkullu kinguneqassanngitsoq Naalakkersuisut naatsorsuutigigaat, namminersorlutik inuutissarsiortut eqqarsaatigalugit. Ataatsimiititaliaq tamanna pillugu oqaaseqaateqassalluni pissutissaqanngilaq.

6. Ataatsimiititaliap inassuteqaatai

Naggataatigut inatsisissatut siunnersuut pillugu ataatsimiititaliaq ima oqaaseqassaaq:

Kalaallit Nunaanni ileqqoraarput oqaluffiup tamanit katersuuffiusarnera – oqaluffik ammasuusoq. Oqaluffipput upperisarsiornikkut tarnikkut inuttullu naapiffiuvoq tamatumalu saniatigut oqaluttuarisaanitsinnut inuiaqatigiittullu pingaatitatsinnut nalunaaqutaalluni. Taamaattumik oqaluffik tamanut ammasuusariaqarpoq, inuiaqatigiissutsitsinnik oqaluttuarisaanitsinnillu paasisaqarumasut maani najuqaraluarpata takornariaagaluarpataluunniit. Naalagiarnert avataasigut pulaarnert akilersinneqassappata tamanna siunnersuutikkut matumuuna akerlilerneqassaaq. Tamatumunnga atatillugu ataatsimiititaliamit maluginiarneqarpoq diakoniinut aningasaliisoqareersimasoq oqaluffiullu ammatiinnarnissaanut periarfissanik naaperiaasoqarsinnaasoq, tamanna ilagiinnik sullissinermut aningaasartuutissanik qinnuteqarnermut atatillugu. Tamatumani siunnersuutigineqartut akiliisitsisarnert oqaluffiit ammatittarnerannut taaneqartunut matussusiissanngippata. Paarlattuanilli aningaasat naalagiarnert avataatigut pulaartarnernut atorpatik ilagiinnik sullissinernut atorneqassapput. Tamatumunnga ilanngullugu ataatsimiititaliamit kaammattuutigineqassaaq diakoniimut atorneqartartut qanoq pitsaanerusumik atorneqarsinnaanerat pillugu ilageeqarnerup iluani misissuisoqarnissaanik.

Tamanna tunngavigalugu inatsissatut siunnersuutip aappasaanneerqarneranut ataatsimiititaliaq allannguutissatut siunnersuummik saqqummiussivoq. Allannguutissatut siunnersuutikkut inassutigineqarpoq inatsisip atuuttup iluarsarqarneranut atatillugu akiliisitsisarnissamut aalajangersagaq kingunerisaanillu naqqiutit peerneqarnissaannik.

Ataatsimiititaliap isumaqatigiittup ataatsimiititaliap allannguutissatut siunnersuutaa akuerineqassasoq inassutigaa.

Taamatut oqaaseqarluni isumaliutissiissummilu allassimasutut paasinnillutik matumuuna siunnersuut ataatsimiititaliap aappassaaniigassanngortippaa.




Doris J. Jensen
Siulittaasoq




Mimi Karlsen
Siulittaasup tullia



Nivi Olsen



Laura Táunâjik



Sofia Geisler



Ilinniartitaanermut, Kultureqarnermut,
Ilageeqarnermut Nunanullu Allanut
Naalakkersuisoq
IKIN@nаноq.gl

Ulloq: 10-10-2018
J.nr.: 01.39.01.03-00201

UKA2018/205-mut atatillugu Kalaallit Nunaanni ilagiinnut Biskopip ataatsimeeqatiginissaanik qinnuiginninneq

Ataatsimiititaliap UKA2018/205-imik – Ilageeqarneq pillugu inatsimmut allannguutissatut siunnersuummik suliarinninneranut atatillugu Kalaallit Nunaanni ilagiinnut Biskopip ataatsimeeqatiginissaa ataatsimiititaliamit matumuuna qinnutigineqarpoq.


Inatsisissatut siunnersuutip immikkoortuisa assigiinngitsut ataatsimiinnermi oqaluuserineqarnissaat ataatsimiititaliamit kissaatigineqarpoq. Tamatuma saniatigut qulequttat attuumassuteqartut uku oqaluuserineqarnissaat ataatsimiititaliamit kissaatigineqarpoq:

- Palasinik, ajoqinik pattattunillu amigaateqarnermi ajornartorsiutit suliniutillu
- Takornarianut akiliisitsissutit inatsisissatut siunnersuummi taaneqartut saniatigut isertitsissutaasinnaasut allat

Ataatsimeeqatigiinnissamik qinnuteqaat akuerineqarsinnaappat ataatsimiinnerup marlungornermi ulloq 16. oktober nal. 10.00 – 10.50 ingerlanneqarnissaa ataatsimiititaliamit siunnersuutigineqassaaq.

Kultureqarnermut, Ilinniartitaanermut, Iisimatusarnermut Ilageeqarnermullu Ataatsimiititaliaq sinnerlugu

Inussiarnersumik inuulluaqqusillunga


Mala H. Kuko

Ataatsimiititaliap siulittaasua



Ilinniartitaanermut, Kultureqarnermut,
Ilageeqarnermut Nunanullu aallanut
Naalakkersuisoq
/ikin@nanoq.gl

Ulloq: 29-10-2018
J.nr.: 01.39.01.03-00201

UKA2018/205-imut allakkatigut apeqqutit – Ilageeqarnermut inatsimmut allannguutit

Inatsisissatut siunnersuut taaneqartoq Inatsisartuni ataatsimiititaliamut innersuussineq tunngavigalugu Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliamit oqaluuserineqarpoq. Tamanna tunngavigalugu apeqqutigineqartut ataani allanneqarsimasut akineqassasut ataatsimiititaliap Naalakkersuisut qinnuigai:

Aallaqqaasiutigalugu ataatsimiititaliap erseqqissassavaa oqaluffiup nalinginnaasumik ammasarfiata avataatigut pulaartitsinermi akiliuteqartitsisarneq pillugu apeqqut periarfissaannaasoq maluginiarmagu. Taamaakkaluartoq ataatsimiititaliaq isumaqarpoq tunngaviusumik pissutsit nalinginnaasut apersuuserneqarsinnaasut.

1. Taaguut "ilagiinnik sullissineq" qanoq isumaqartinneqarnermoq Naalakkersuisunit ersarissaqquneqarpoq nassuiaasersorlugu.

Ataatsimiititaliap paasinninnera naapertorlugu inatsisit malillugit akiliut kiffartuussinerup aningaasartuutivianit qaffasinnerusinnaanngilaq.

2. Suunukua § 26 q-mi aningaasartuutit aalajangersimalluinnartut akiliummi naatsorsorneqarnissaat Naalakkersuisut takorlooraat?
3. § 26 q-mi akiliutit akilersinniarneqarnerani ilagiit sinnersaasa allaffissornikkut suut suliassarigaat ilimagineqarpa qanorlu taakkua matussuserniarneqarpat?

§ 26 q-mi aalajangersagaq siunnersuutaasimasoq malillugu erserpoq:

§ 26 q. Oqaluffiup nalinginnaasumik ammasarfiata avataatigut pulaartitsinermi oqaluffinnut pulaarnerni akiliuteqartitsisinnaapput. Aningaasat sumiiffinni ilagiinnik sullissinermut atorneqassapput.

Immikkoortumi kingullermi siunnersuummut nalinginnaasumik oqaaseqaataani imm. 2.1-imi ima allassimavoq:

*"Inatsimmi maanna atuuttumi periarfissaqanngilaq ilagiit sinniisaasa akitsuummik akiliisitsisarnissaannut, oqaluffimmik ammatitsissagunik oqaluffimmi ammaffiusartut nalinginnaasut avataasigut. Ilagiit sinniisaat tamanna pillugu amerlasooriarlutik naapittarput, **kisianni suliat pissarsissutigineqassanatik.** Taamaattumik naapertuuttut nalilerneqarpoq kiffartuussinernut taamaattunut akitsuummik akiliisitsisalernissaq."*

(Ataatsimiititaliap ersarissagaa)

Nalinginnaasumik oqaaseqaataani imm. 3.1-imi ima allassimavoq:

*"Oqaluffiit nalinginnaasumik ammasarfiisa saniatigut ammatitsisarnissamut periarfissaq akitsuummik akiliisitsilluni **ilagiinnut isertitassanik kinguneqassaaq.**"*

(Ataatsimiititaliap ersarissagaa)

Siunnersuutaasumik aalajangersakkap §26 q-mi oqaaseqaataani taaneqarpoq:

*"Aalajangersagaq ilagiit sinniisaannut periarfissiivoq akitsuummik akiliisitsisalersinnaanermik, oqaluffinnut pulaartunut, ilagiit ingerlatsinerisa avataanni. Aalajangersagaq eqqunneqarpoq **ilagiit sinniisaat periarfissaqartikkumallugit,** oqaluffimmik takornarianut takusaatitsinissanut, oqaluffiup ammaffiata avataani."*

(Ataatsimiititaliap ersarissagaa)

4. Qulaani issuaanerni ersarissarneqarsimasut imatut paasineqassappat
 - a. Suliarineqarsimasut matussuserumallugit ilagiit sinnersaat imaluunniit ilagiit sinnersaat ataasiakkaanit akiliutip (ilaa) akissarsiarineqarsinnaasoq?
 - b. **Imaluunniit** akiliutip (ilaa) taamaallaat ilagiinnik sullissinermut atorineqarsinnaasoq?
 - c. Oqaluffiit nalinginnaasumik ammasarfiisa avataatigut ammatitsisarnissaanni akiliutissatut siunnersuutigineqartut aningaasartuuteqarnerulernermi matussutissatut atorineqassappat?

§ 26 r malillugu allassimavoq:

*§ 26 r. Naalakkersuisut piginnaatinneqarput Biskoppi isumaqatigiinniareerlugu malittarisassanik aalajangersaasarnissamut akiliutit angissusissaannut aamma akiligassiisarnermut atatillugu, **pisortat aningaasartuutaannut matussutissatut,** tak. §§ 26 n-26 q.*

(Ataatsimiititaliap ersarissagaa)

5. § 26 q-mi akiliummi siunnersuutaasumi pisortat kikkut pineqarpat?

Akiliut siunnersuutaasoq pingaarnertut oqaluffinnut illoqarfinni/nunaqarfinni assersuutigalugu umiarsuarnit takornariartsisunit tikinneqartartunit atorneqarnissaa eqqarsaatigineqartoq ataatsimiititaliap Biskopillu ataatsimiinnerat tunngavigalugu isumaqarnarpoq.

6. Tamanna Naalakkersuisut uppersarsinnaavaat?

Taamaappat:

a. Umiarsuit takornariutit umiarsualivinnut talinnerminni akileraarutaasa ilaat isumaqatigiissuteqarnikkut ilagiinnik sullissinermut immikkoortinneqarsinnaappat?

Oqaluffiit amerlanersaat nakkaatitsiveqartut, taamaasilluni ilagiit pulaartulluunniit namminneq piomassutsiminnik oqaluffiup sulineranut tunisisinnaallutik periarfissaqartut, pingaartumik ilagiit sullinneqarnerannut ataatsimiititaliap paasivaa.

7. Ilumoorpa oqaluffiit amerlanersaat nakkaatitsiveqartut?

8. Nakkaatitsiviit aqutigalugit isertitat atorneqarnissaannut malittarisassaqarpa – taamaappat suuppat?

9. Oqaluffimmi nakkakaatitsivimmuut piomassutsiminnik ikisisut tapeeqataassutaasa atorneqartarnerat pillugu naalagiernerup avataani takunnaasunut paasissutissiisarneq ilagiinnik sullissinermut aningaasanik amerlanerusunik atuinissamik kissaatqarnermut imaluunniit takunnaanernut pineqartunut aningaasartuutitut tamakkiisuunngikkaluamik matussutissiisinaasutut Naalakkersuisunit isigineqarpa?

10. Piffissami 2012-2018 aningaasanut inatsimmi immikkoortinneqarsimasut ilagiinnik sullissinernut aningaasaliissutit sunut qanorlu amerlatigisut atorneqarsimanersut Naalakkersuisut nassuiaaqquneqarput.

11. Ilagiinni isumaginninnikkut sullissinernut aningaasaliissutit Naalakkersuisunit "ilagiinni sullissinernut" taaneqartuni atorneqarsinnaappat?

12. Oqaluffiit nalinginnaasumik ammasarfiisa avataatigut sumiiffinni aningaasanik akiliisitsisimanernik imaluunniit tiguisisimanernik assersuutaasinnaasunik peqarnerluni?

Naalakkersuisut akissutat kalaallisut danskisullu allasimasut tiginissaat qilanaarineqarput. Akissut uunga ina@ina.gl assilinera ataatsimiititaliap allattaanut rfr@ina.gl qarasaasiakkut nassiuteqquneqarput.

Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliaq sinnerlugu


Nivi Olsen

Siulittaasuugallartoq



Ilanngussaq 3

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq
Inatsisartut

UKA2018/205-imut atatillugu allakkatigut apeqquteqaatinut akissutit, -
ilageeqarneq pillugu inatsisip allannguutissai pillugit

06-11-2018
Sagsnr. 2016 - 12428
Dok. nr. 9173808

Naalakkersuisut ataatsimiititaliap 24. oktober apeqqutai matumuuna
akissuteqarfigineqartussat qujassutigaa.

Postboks 1029
3900 Nuuk
Tlf: +299 34 50 00
Email: ikiin@nanoq.gl
www.nanoq.gl

1. Taaguut "ilagiinnik sullissineq" qanoq isumaqartinneqarnersoq Naalakkersuisunit
ersarissaqquneqarpoq nassuiaasersorlugu.

Akissut:

Ilagiinnik sullissineq paasineqassaaq siammassinnerpaamik taaguutit, sutigut tamatigut
nammineq piumassutsimik oqaluffimmi suliatigut ilagiinnut sammititaasunik
ingerlatsinerni.

2. Suunukua § 26 q-mi aningaasartuutit aalajangersimalluinnartut akilliummi
naatsorsorneqarnissaat Naalakkersuisut takorlooraat?

Akissut:

Tamatumani pineqarsinnaapput, - soorlu siunnersuummut oqaaseqaatini
nalunaarsorneqartutut ilaatigut imermut, kiassarnermut, innaallagissamut aamma
akissarsianut aningaasartuutit. Akissarsianut aningaasartuutini pingaarnertut pineqarput
eqqiaanermi aningaasarsianut aningaasartuutit.

3. § 26 q-mi akiliutit akilersinniarneqarneranni ilagiit sinnersaasa allaffissornikkut suut
suliassarigaat ilimagineqarpa, qanorlu taakkua matussuserniarneqarpat?

Akissut:

Pisariaqassaaq pulaartarnernik pilersarusiortarnissaaq. Kiisalu aamma akitsuummik
akiliisitsissutissamik akiligassiisoqartassaaq, ingerlatsinermullu
naatsorsuusiortoqartarluni. Nalunaarsorneqartassapput pulaartut qassiusimanersut,
ilagiit sinniisaasa qanoq isertitaqarsimanerat, qanoq sivilutigisumik ammatitsisimaneq,
il.il.

Suliassani allani ilanngullugit eqqaaneqarsinnaapput oqaluffimmik ammatitsineq,
ammatitsinermik nakkutillineq, eqqiaasussamik aggersaasarneq il.il.

4. Qulaani issuaanerni ersarissarneqarsimasut imatut paasineqassappat

a. Suliarineqarsimasut matussuserumallugit ilagiit sinniisaat imaluunniit ilagiit sinniisaannit ataasiakkaanit akiliutip (ilaa) akissarsiarineqarsinnaasoq?

b. Imaluunniit akiliutip (ilaa) taamaallaat ilagiinnik sullissinermut atorneqarsinnaasoq?

c. Oqaluffiit nalinginnaasumik ammasarfiisa avataatigut ammatitsisarnissaani akiliutissatut siunnersuutigineqartut aningaasartuuteqarnerulerni matussutissatut atorneqassappat?

Akissut:

a. Naamik, taamaaliornerup ilagiit sinniisaasa oqaluffimmi atorfeqartuunnginnerat sanioqutissavaa. Ilagiit sinniisaat nammineq piumassutsimik ingerlatsisuupput.

b. Aap, aningaasat taamaallaat ilagiinnik sullissinermut atorneqarsinnaapput. Tamanna aamma inatsimmi oqaasertani siunnerfiuvoq: "Akiliutit sumiiffimmi tassani ilagiinnik sullissinermut atorneqartassapput."

c. Naamik. Inatsimmi oqaasertaasut aallaavigaat aningaasat akitsuummik akiliuteqartitsisarnikkut isertitat sumiiffimmi pineqartumi ilagiinnik sullissinermut atorneqartassasut.

Aningaasarsiat aningaasartuutit ilaattut sulianut aalajangersimasunut atorneqartutut nalunaarneqarsimapput. Kisianni assigiinngissuseqarput akitsuutit isertinneqartut aningaasartuutitut sunut matussutaasarnissaat (aningaasartuutit sullissinermi pingortut) aamma aningaasat akiliuteqartitsisarnikkut pissarsiarineqartartut atorneqarnissaat (ilagiinnik sullissinermut).

5. § 26 q-mi akiliummi siunnersuutaasumi pisortat kikkut pineqarpat?

Akissut:

Sumiiffimmi pineqartumi Kalaallit Nunaanni Ilagiit.

6. Biskopip kiisalu ataatsimiititaliap ataatsimeeqatigiinnerisa kingunerisaannik akitsuutsip siunnersuutigineqartup pingaarnertut oqaluffinnut illoqarfinni/nunaqarfinni assersuutigalugu umiarsuarnit takornariartaatinik tikinneqartartunut eqqarsaataavoq. Tamanna Naalakkersuisut uppenarsarsinnaavaat?

Akissut:

Aap

Taamaappat:

Umiarsuit takornariutit umiarsualivinnut talinnerminni akileraarutaasa ilaat isumaqatigiissuteqarnikkut ilagiinnik sullissinermut immikkoortinneqarsinnaappat?

Akissut:

Naamik, umiarsualivinnut akitsuummumut malittarisassat tamanna pillugu aalajangersagaasut atuuttut malinneqartussaapput, aningaasallu nunatta karsianut nakkartinneqartussaallutik, taamaattumillu taamaaliortoqassagaluarpat inatsimmi allannguisoqarnissaa pisariaqassaaq. Pineqartoq tassaavoq Umiarsualivimmiinnermut akileraarutit pillugit Inatsisartut inatsisaat nr. 20, 30. oktober 1992-imeersoq, kingullermillu allannguuteqartinneqartoq Inatsisartut inatsisaatigut nr. 14, 3. juni 2015-imeersukkat. Taamaasillunilu Inatsisartut inatsisaanni tassani § 1-imi ersippoq umiarsuit Kalaallit Nunaanni umiarsualivinnut tikinnermi nunatta karsianut akitsuummik akiliuteqartassasut. Taamaattumillu umiarsualivimmiinnermut akitsuutip ilaanik siunertanut aalajangersimasunut immikkoortitsisoqarsinnaangilaq.

7. Ilumoorpa oqaluffiit amerlanersaat nakkaatitsiveqartut?**Akissut:**

Ilumoorpoq, oqaluffiit amerlanerpaat nakkaatitsiveqarmata. Ukiunili kingullerni taamaattoq oqaluffinni nakkaatitsiviit peerneqartarput, arlaleriartumik oqaluffiit iserfigineqartarsimmata, nakkaatitsiviillu tillinneqartarlutik. Tillinniartoqartarnerini aserorterisarnerit annertusarsimapput, taamaattumillu pisariaqartarsimavoq oqaluffinni nakkaatitsiviit peerneqartarnissaat, tillinniartoqarsinnaanera annikinnerulersinniarlugu.

8. Nakkaatitsiviit aqutugalugit isertitat atorineqarnissaannut malittarisassaqarpa - taamaappat suuppat?**Akissut:**

Oqaluffinni nakkaatitsiviit aqutugalugit isertitat sumiiffimmi pineqartumi ilagiinnut tutsinneqartarput, malittarisassiortoqarsimangilarlu isertitat sumut atorineqartarnissaat pillugu. Tamatumunngalu atatillugu eqqaaneqassaaq aningaasat annikitsuararsuit tamatumani pineqarmata.

9. Oqaluffimmi nakkakaatitsivimmumut piumassutsiminnik ikisisut tapeeqataassutaasa atorineqartarnerat pillugu naalagiernerup avataani takunnaasunut paasissutissiisarneq ilagiinnik sullissinnermut aningaasanik amerlanerusunik atuinissamik kissaateqarnermut imaluunniit takuniaanernut pineqartunut aningaasartuutitut tamakkiisuunngikkaluamik matussutissiisinnasut Naalakkarsuisunit isigineqarpa?**Akissut:**

Killeqartumik oqaluffinnut tapiissutaasinnaapput, kisiannili naatsorsuutigineqarpoq annikitsuararsuussasut, aningaasartuutaasunullu oqaluffiit ammasittarnerinut ammasarfiisa nalinginnaasut avataasigut matussutaasinnaasassanatik.

10. Piffissami 2012-2018 aningaasanut inatsimmi immikkoortinneqarsimasut ilagiinnik sullissinnermut aningaasaliissutit sunut qanorlu amerlatigisut atorineqarsimanersut Naalakkarsuisut nassuiaaqquneqarput.

Akissut:

Ilagiit 2013-imiilli aaqjissuussamik immikkoortitsisarput ilagiinnik tunngavilimmik innuttaasunik sullissinnermut aningaasaliissutissanik. 2013-imi kr. 300.000,- immikkoortinneqarput ukiunilu tulluuttuni tamani ukiumut kr. 400.000,-. Aningaasaliissutit biskopeqarfimmuut suliniummumut allaaserisamik nassiussinikkumut qinnutigineqartarput. Qinnuteqaatit tiguneqartartut imatukanneq immikkoortuni pingaarnerni agguataartarput:

- a) Ilagiinni utoqqartaasunik tusiaqattaarnermik peqatigiinnermillu aaqjissuussisarnerit (40% -it missaat)
- b) Meeqqanut inuusuttuaqqanullu sammisunik aaqjissuussisarnerit ("Naalagiarnerit pølse-tuuffiusut", bibelskole il.il.) (40%-it missaat)
- c) Suliniutit isumaginninnermut annerusumik sammiveqartut, tamatumani aamma juullimut pissarsiasanik kurve-nik assigisaannillu imaqartut (20%-it missaat)

11. Ilagiinni isumaginninnikkumut sullissinnermut aningaasaliissutit Naalackersuisunit "ilagiinni sullissinnermut" taaneqartuni atorneqarsinnaappat?

Akissut:

Isumaginninnermik suliniutit kristumiuussutsimik aallaaveqartut aamma ilagiinnik isumaginninneq annertuutigit assigiipput, taamaattumillu aningaasaliissutit assigiissumik atorneqartarlutik. Kisiannili suliniutinut kristumiuussutsimik aallaavilinnut atugassat qinnutigineqaqqaartussaapput, qinnutigineqarnermisullu atorneqartussaallutik.

12. Oqaluffiit nalinginnaasumik ammasarfiisa avataatigit sumiiffinni aningaasanik akiliisitsisimanernik imaluunniit tigusisimanernik assersuutaasinnaasunik peqarnerluni?

Akissut:

Assersuutissanik ataasiakkaannguanik peqarpoq, taamaattumillu taamatut siunnersuuteqarnermut taamaattut ilalersuutaapput. Suliassaqaarfimmilu tassani malittarisassiornikkumut qularnaarneqassaaq ersarissumik periarfissaqartitsisoqartoq akitsuummik akiliisitsisarnissamut aaqjissuussaasumik, aningaasallu isertut akiliuteqartitsisarnikkumut ilagiinnik sumiiffinni pineqartuni sullissinnermut taamaasilluni atorneqarsinnaallutik.

Inussiarnersumik inuulluaqqusillunga



Ane Lone Bagger
Naalackersuisoq